



RESOLUCIÓN DO DEPARTAMENTO TERRITORIAL DA CONSELLERÍA DO MAR EN VIGO POLA QUE SE DECLARA DESERTO O PROCESO SELECTIVO PARA O OUTORGAMENTO DE PERMEX DE SOLENIDOS PARA EMBARCACIÓN NA MODALIDADE DE MERGULLO AO ABEIRO DO PLAN DE EXPLOTACIÓN CONXUNTO PARA O RECURSO ESPECÍFICO, DA CONFRARÍA DE PESCADORES DE MOAÑA E CIES ARTESANAIS S.C.G., CONFRARÍA DE PESCADORES DE REDONDELA E CONFRARÍA DE PESCADORES DE VILABOA APROBADO PARA O TRIENIO 2025 – 2027

ANTECEDENTES

1. A Orde do 19 de decembro de 2024 aproba os plans de xestión para recursos específicos e algas en Galicia para o trienio 2025-2027.

A Confraría de Pescadores de Moaña, Cies Artesanais S.C.G., Confraría de Pescadores de Redondela e Confraría de Pescadores de Vilaboa teñen aprobado un plan de explotación conxunto de xestión de solénidos mediante mergullo en apnea e con subministro de aire desde superficie (PE410A 2024/6-5), para o período 2025-2027, que establece un número máximo de nove (9) embarcacións e nove (9) mergulladores durante o seu desenvolvemento.

2. A Confraría de pescadores de Moaña, solicita no seu nome e en representación acreditada, de Cies Artesanais S.C.G., Confraría de Pescadores de Redondela e Confraría de Pescadores de Vilaboa, o día 6 de novembro de 2025, o inicio dun proceso selectivo para outorgamento de permisos de explotación de solénidos para unha (1) embarcación e un (1) mergullador.

3. Mediante Resolución do 12.11.2025 publicouse a convocatoria para realizar un proceso selectivo para outorgar a modalidade de **solénidos a unha (1) embarcación cunha (1) cota de mergullo**, para o exercicio da actividade extractiva no ámbito da Confraría de pescadores de Moaña e Cies Artesanais S.C.G., Confraría de Pescadores de Redondela e Confraría de Pescadores de Vilaboa.

As solicitudes, dirixidas ao departamento territorial da Consellería do Mar en Vigo, tiveron un prazo de presentación de quince (15) días hábiles, contados desde o día seguinte ao da publicación da resolución da convocatoria do proceso selectivo no taboleiro de anuncios do departamento territorial e na páxina web: <http://www.mar.xunta.gal>.

Esta convocatoria tamén estivo exposta, con carácter informativo, no taboleiro de anuncios das xefaturas comarcais de Pontevedra e Vilagarcía e da Confraría de Pescadores de Moaña e Cies Artesanais S.C.G., Confraría de Pescadores de Redondela e Confraría de Pescadores de Vilaboa.

4. Non se presentou ningunha solicitude ao proceso selectivo.





CONSIDERACIÓNS LEGAIS E TÉCNICAS

1. O artigo 42º da *Lei 11/2008, de 3 de decembro, de pesca de Galicia, modificada pola Lei 6/2009, do 11 de decembro*, establece que: "A explotación das distintas especies de recursos específicos realizárase por modalidades. Esta requirirá estar en posesión das correspondentes habilitacións previstas no artigo 39º desta lei e participar nun plan de xestión".

2. A *Orde do 30 de decembro de 2015* determina nos seus artigos 26 a 30, o procedemento para a obtención da modalidade de recursos específicos no permiso de explotación da embarcación.

3. Publicada a convocatoria do proceso selectivo, houbo un prazo de presentación de solicitudes de quince (15) días hábiles, contados desde o día seguinte ao da publicación da resolución da convocatoria do proceso selectivo no taboleiro de anuncios do departamento territorial e na páxina web: <http://www.mar.xunta.gal>.

Esta convocatoria tamén estivo exposta, con carácter informativo, no taboleiro de anuncios das xefaturas comarcais de Pontevedra e Vilagarcía e da Confraría de Pescadores de Moaña e Cies Artesanais S.C.G., Confraría de Pescadores de Redondela e Confraría de Pescadores de Vilaboa.

4. A *Lei 4/2019 do 17 de xullo, de administración dixital de Galicia* (DOG núm. 141, do 26 de xullo de 2019) no seu artigo 10º 1.a) establece que os traballadores autónomos e as traballadoras autónomas para os trámites e as actuacións que realicen no exercicio da súa actividade profesional, no ámbito do sector público autonómico estarán obrigados a relacionarse a través dos medios electrónicos para a realización de calquera trámite dun procedemento administrativo, ademais dos indicados no artigo 14.2 da Lei 39/2015, do 1 de outubro, do procedemento administrativo común das administracións públicas.

Polo tanto as solicitudes e a documentación acreditativa, deberán presentarse unicamente por vía electrónica a través do formulario normalizado dispoñible na sede electrónica da Xunta de Galicia (<https://sede.xunta.es>) do procedemento PE401L, directamente polo armador interesado ou a través dunha confraría ou entidade co documento de representación dispoñible na sede electrónica.

Finalizado o prazo de presentación de solicitudes, non se presentou ningunha solicitude ao proceso selectivo.

5. O Departamento Territorial de Vigo é competente para ditar as resolucións deste proceso selectivo segundo establece o artigo 52 da *Orde do 30 de decembre de 2015, pola que se regula a explotación dos recursos específicos no ámbito da Comunidade Autónoma de Galicia*.





De acordo con todo o indicado, **RESOLVO:**

Declarar deserto o proceso selectivo, ao non terse presentado ningunha solicitude.

Está resolución estará exposta na páxina web <http://www.mar.xunta.gal> e con carácter informativo, nos taboleiros de anuncios da Xefatura Comarcal de Pontevedra, da Xefatura Comarcal de Vilagarcía e no taboleiro de anuncios das Confrarías de Pescadores e Cíes Artesanais.

Contra esta resolución que non pon fin a vía administrativa, poderá interpoñerse recurso de alzada ante a Conselleira do Mar no prazo de un mes, a contar dende o día seguinte ao de publicación desta resolución, segundo o previsto nos artigos 121 e 122 da Lei 39/2015, do 1 de outubro, do Procedemento Administrativo Común das Administracións Públicas (BOE núm.236, do 2 de outubro de 2015)

A directora territorial

María Elena Suárez Sarmiento

